




Comune de Sorradile

Provìntzia de Aristanis
www.comune.sorradile.or.it

1

Prus atenzione, prus pagu fogos

Si cherimus bene a s'isula nostra, faghimus ddu a bideru!!



In su 1300 a chie poniat fogu nche ddi segaiant sa manu dereta
si non pagaiat su dannu (Carta de Logu)

Cussu de sos fogos est semper unu problema
mannu meda in s'istiu.

*In custa istajone, cando non proet,
sos arbures si nche sicant e bastat pagu
pro ddis faghene pigare fogu.
Sas oras prus periculosas sunt:
dae sas 11 de manzanu a sas 6 de sero.*

Finas pro su 2013 sa Regione at aprontadu, comente aiat zai fatu
sos annos in antis, unas cantas mesuras pro parare fronte a su problema de sos fogos. Pro
assegurare una publitzidade de gabale, su manifestu est istadu apicadu in totus sos entes pùblicos,
in sos comunes, iscolas, portos, aeroportos e istruturas turìsticas de Sardigna.

Sas règulas cunfirmant cantu est istadu aprovalu s'annu passadu: si podet afoghizare dae
su primu a su 30 de làmpadas e dae su 15 de cabudanni a su 31 de santugaine, cun su permissu de
sos servìtzios territoriales de sa Forestale e solu si su tempus ddu permitit. In prus, si si presentant
prozetos ispetzìficos a su Sìndigu e si issu ddos aprovat, si podent afoghizare terrinos prus
mannos de 10 ètaros.

Mançari sos inditos dados dae sa Regione Sardigna siant de importu mannu in sa batalla contra
de su fogu, tocat a nois a faghene atenzione cando ddu manizamus, pro non portare dannu a
cosas e pessones.

²Comente ti debes comportare si bides fogu

² Sotziedade Cooperativa "L'altra Cultura" – Servìtziu linguìsticu – Operadore Sara Firinu

- Si bides pampa o mancarì fumu ebbia, Tzèrria immediatu a su nùmeru birde 1515 de sa forestale, a su 113 de sa politzia e a su 112 de sos carabinieri pro chi bi siat su tempus de aprontare totu pro dd'istudare; Non pentzes mai chi àtere dd'apat zai fatu;



- Si ischis cosa chi potzat azudare a iscobèrrere chie at postu su fogu, debes tzerriare sos nùmeros inditados in subra;
- Si bides chi est pighende fogu, debes chircare de dd'istudare cun chimuza, ma solu si ses seguru chi faghet a ti nche fuire;
- Non ti frimes a dd'abbaidare: su fogu no est un'ispetàculu;
- No abarres mai a inghìriu de su fogu o in logos in ue tirat bentu;
- Non rugres s'istada prena de fumu o pampa;
- Non lasses sa màchina in mesu de s'istada: devet abarrare libera pro fàghere passare sas màchinas pro istudare su fogu;
- no abarres in vatu de àteras màchinas e, si faghet, torra in dae in segus;
- nara a sas iscuadras de sucursu cales sunt sas istadas e sos camminos in ue est menzus a passare;
- pone a disponimentu de chie est istudende su fogu riservas de abba e àteras atretzaduras.

Si ses inghiriadu dae su fogu

- circa de ti nche fuire o abarra in unu zassu seguru in ue non bi siat cosa chi diat pòdere leare fogu; abarra a una distàntzia chi siat a su nesi bator bortas prus manna de sa longhesa de sa pampa;
- rugra su fogu in ue b'at prus pagu pampa e passa in su tretu zai brusiadu;
- si ses in mare, abarra in s'ispiàgia e intra a s'abba, est su logu prus seguru;
- non chircas de coberare màchinas, moto, tendas o cantu b'at a intro; dias pòdere abarrare in mesu sena ti nche pòdere fuire;
- sinna sa presèntzia tua;
- istèsia dae su fogu bòmbolas de gas e botos de licidu chi podent leare fogu;
- non lasses sa domo si non ses seguru de ti nche pòdere fuire;
- istuda s'interruttore zenerale de sa lughe;
- sizilla cun paperi adesivu o pannos issustos ghenas e ventanas;
- apronta botos de abba e pannos issustos e circa amparu in sos zassos prus a intro de sa domo; alena cun unu pannu issustu in buca;



Cando b'at prus perigulu

- Su perìodu dae su primu de làmpadas a su bìndighi de santuagaine est cussu prus perigulosu pro su fogu in sos buscos.

In custu perìodu non si podent allumare fogos, nen mancu pro afoghizare istula!!

- In totus sos àteros meses de s'annu, foras de cussos inditados, sunt proibidas totus cussas atziones chi podent fàghere pigare fogu.



Cosas de fâghere pro prevènnere sos fogos – *AMMENTA!!!*

- non nche fùlies dae sa màchina e non lasses in terra alluminos, tzicas e cale si siat àtera cosa allumada: *s'erba sica chi b'est oru oru de sas istradas, de sas ferrovias ecc, podet leare fogu, duncas fulià.nche s'àliga in sos botos a posta;*
 - no abruses chimuza, paza e àteros resuzos de sartu sena leare totus sas medidas de seguresa. Respeta sos inditos de sa Regione!! Ara bene unu cantu de terrinu totu a inghìriu ca in pagu tempus su fogu ti nche podet isfuzire;
- si sa màchina tua portat marmita catalitica, non dda podes frimare subra chimuza, erba sica o àteru materiale chi potzat leare fogu a temperaturas artas;
- *non lasses àliga in sos buscos e in sos muntonzos abusivos. Podent leare fogu!!*

CANDO PIGAT FOGU, S'ARRISCU DE DANNU NO EST PRO ÀRBURES E ANIMALES EBBIA, MA FINAS PRO TOTU S'ECOSISTEMA NOSTRU E, DUNCAS, FINTZAS PRO S'ÒMINE, CHI NDE FAGHET PARTE